



Republika e Kosovës

Komuna e Drenasit

Kuvendi i Komunës



02 Nr. 060/pu-51295 dt. 18.10.2024

PROCESVERBALI

I mbledhjes së jashtzakonshme të Kuvendit Komunal të Drenasit të Mbajtur më datë: **19.09.2024** e cila filloi në orën **10:00**.

Mbledhjen e kryesoi anëtari më i vjetër i Kuvendit Komunal-Gani Krasniqi

Kryesuesi i mbledhjes deklaroi të hapura punimet e mbledhjes së jashtzakonshme të Kuvendit Komunal, ku të pranishëm ishin 30 anëtarë: Bekim Lestrani (PDK), Arigon Sinani (PDK), Zeqir Hasi (PDK), Laurita Muhadri Bujupi (PDK), Hamit Kastrati (PDK), Gani Krasniqi (PDK), Fatmir Baliu (PDK), Qendrim Mulaj (PDK), Malsore Cakiqi (PDK), Blerina Gashi (PDK), Kosovare Halilaj Karaxha (PDK), Valentina Leku (PDK), Manushaqe Mulaku (PDK), Mirlinda Dvorani (PDK) Sali Dvorani (DD), Mergim Pirraku (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Florentina Elezi-Veliu (VV), Filloreta Bujupi (VV), Selman Qallapeku (VV), Egzona Terrdevci (VV), Muhamet Kurtaj (VV), Arbër Halilaj (GREEN), Beqir Kiqina (AAK), Egzon Qorri (LDK), mungoi Labinot Halilaj.

Rend dite:

1. Propozim vendim për ndarjen e parcelës kadastrale 326-4 Çikatovë e Re.
2. Propozim vendim për Plotësim ndryshimin e Statutit të Komunës së Drenasit lidhur me emërtimin, kompetencat dhe përgjegjësitë e Drejtorisë për Bujqësi, Pylltari dhe Zhvillim Rural.
3. Propozim vendim për miratimin paraprak të Vendimit për dhënien e pronave të paluajtshme të Komunës së Glllogocit për shfrytëzim afatgjatë personave fizik/juridik (për 99 vjet)
4. Draft strategjia për Zhvillimin dhe fuqizimin e Rinisë në Komunën e Drenasit 2024-2029.
5. Raporti i punës Janar-Qershor 2024 i Kryetarit dhe qeverisjes lokale.
6. Raporti financiar Janar-Qershor 2024.
7. Diskutim i Raportit i Zyrës Kombëtare të Auditimit (ZKA) për vitin 2023.
8. Diskutim i Planit të Veprimit për Implementimin e Rekomandimeve të ZKA-së
9. Raporti i punës së KKSB-së Janar-Qershor.
10. Propozim vendim i Buxhetit të komunës për vitet 2025 dhe parashikimi i buxhetit për vitin 2026-2027.
11. Raporti i performancës komunale për vitin 2023 për komunën e Glllogocit.

12. Propozim vendim për transfer/harmonizim në kategorinë e pagave.
13. Propozim vendim për ndryshimin e emrit të projekteve.

Të pranishëm ishin edhe **Kryetari i Komunës, Ramiz Lladrovci, nënkryetari i Komunës Arben Shala, Drejtor të Drejtorive komunale, zyra e informimit, përfaqësuesit e KFOR.**

Mbledhja e jashtzakonshme e Kuvendit të Komunës së Drenasit u mbajt me dt. 19.09.2024 ku për diskutim ishin 13 pika për rend dite. Mbledhja është kryesuar nga anëtari më i vjetër i Kuvendit Komunal, Gani Krasniqi. Kryesuesi i mbledhjes hapi punimet e mbledhjes se jashtzakonshmet të Kuvendit Komunal ku njoftoi me rendin e ditës:

Pasi që nuk pati diskutime vërejtje apo sugjerime Kryesuesi i mbledhjes Gani Krasniqi hodhi në votim rendin e ditës, prezent gjatë votimit ishin 30 anëtar dhe votuan me: 17 vota (Për), 12 kundër dhe 1 abstenim.

Kryesuesi i mbledhjes, Gani Krasniqi- hapi diskutimin për pikën e parë të rendit të ditës: 1. **Propozim vendim për ndarjen e parcelës kadastrale 326-4 Çikatovë e Re.**

Pasi që nuk pati diskutime vërejtje apo sugjerime Kryesuesi i mbledhjes Gani Krasniqi hodhi në votim pikën e parë të rendit të ditës, prezent gjatë votimit ishin 30 anëtar dhe votuan me: 28 vota (Për), 1 kundër dhe 1 abstenim.

Kryesuesi i mbledhjes, Gani Krasniqi- hapi diskutimin për pikën e parë të rendit të ditës: 2. **Propozim vendim për plotësim ndryshimin e Statutit të Komunës së Drenasit lidhur me emërtimin, kompetencat dhe përgjesit e Drejtoris për Bujqësi, Pylltari dhe Zhvillim Rural.**

Pasi që nuk pati diskutime vërejtje apo sugjerime Kryesuesi i mbledhjes Gani Krasniqi hodhi në votim pikën e dytë të rendit të ditës, prezent gjatë votimit ishin 30 anëtar dhe votuan me: 29 vota (Për), 1 kundër abstenim nuk pati.

Kryesuesi i mbledhjes, Gani Krasniqi- hapi diskutimin për pikën e tretë të rendit të ditës: 3. **Propozim vendim për miratimin paraprak të Vendimit për dhënien e pronave të paluajtshme të Komunës së Gillogocit për shfrytëzim afatgjatë personave fizik/juridik (për 99 vjet)**

Kryetari i komunës Ramiz Lladrovci- pasi përshëndeti të pranishmit, sipas listë që e përcakton për listën preliminare që komuna duhet ta miratoj në kuvend. Unë e kom sjell listën për miratim paraprak, kjo list nënkupton se komuna ka pronat e veta në territorin e saj që ban të ditur qytetarëve të vet, që i jep mundësi investorëve të ndryshëm për zhvillimin e komunës me i pa, me i ba planet edhe me kërku që ata me këto prona me pas mundësi me investu. Gjithë kët numër të pronave që e kem para vetes që përfshin një sipërfaqe tepër të madhe prej 600 e më shumë hektarëve, janë pronë e komunës tonë e cila po mbahet vjerrin dhe komuna ka nevoj me pas një list preliminare sipas ligjit dhe sipas MAPL-së dhe ata ja ofron qytetarëve ne , i kemi edhe dy

faza tjera për me mund me i shpall edhe me ja jep ati që konkurron edhe që është me i miri që zgjidhet nga komisioni që mundet të zgjidhet nga asamblistë dhe zyrtarët e Komunës. Kjo nuk nënkupton që këto pranimi duke i qitë në raundin e dytë sepse në mund të paraqesim pronat të cilat janë me interes për investitorët.

Unë po ju them që ka investitor si për shembull në Gllanasell, në kryqin e rrugës të varrezat në Likoshan, një kompani e rritjes së rosave që kanë kërkuar 4 hektar dhe kanë deklaruar për një punsim prej 400 gra dhe vajza të zonës, po ashtu ka kërkesa prej kompanijave të tjera për ndërtimin e paneleve solare për energji të gjelbert, dhe dhjetra parcela të tjera që janë në interes të komunës dhe të zhvillimit dhe atyre që sjellin vende të reja të punës dhe të hyra për qytetarët e komunës tonë, unë nuk po du askujt me ia mbush mendjen me votu listën paraprake, ama askush nuk mundet me thanë që kom fol me dikun deri sot kur e kom taku grupin tim parlamentar dhe kemi diskutu kët temë që është shumë me rëndësi për zhvillimin e komunës. Grupi është unik dhe të ata që do ta mbështesin i falënderoj, kanë kërkuar me i heq tri prona ose tri pika të cilat janë në këtë listë dhe sigurisht që do të paraqesin. Milaim Hajdari dhe unë jom pajtues sepse nuk dëshiroj me blloku kuvendin sic e keni blloku ju me shkarkimin e kryesuesit që është një nga djemt më të mirë që i ka komuna jonë, një intelektual i jashtëzakonshëm, një luftëtar i UÇK-së prej vitit 1996 pse nuk keni pas çka me mban mua, as nuk keni me pas kurr, prandaj ju thërras që listën ta votoni mas propozimeve të ish kryesuesit Milaim Hajdari, ndërsa për mediat i kom një tri kontrata rrugët kryesore rajonale, maxhistrale i jep prona me mbi 40 hektar për një qira vjetore bruto 128.80 € i keni tek unë kur të kryhet mbledhja.

Grupi parlamentar i PDK-së Milaim Hajdari- sot jem në mbledhjen e jashtëzakonshme dhe jem në piken e tretë që ka për qëllim miratimin paraprak të listës së pronave për dhënen në shfrytëzim për 99 vite personave fizik dhe juridik, para se të bëj me dije se cila ishte kërkesa e grupit parlamentar të PDK-së që disa parcela të hiqen nga kjo listë, vetëm diqka do të them që besoj që do të pajtohem të gjithë. Ligji nuk e obligon kryetarin me i dhanë pronat në shfrytëzim po ligji i jep të drejtë kryetarit, e ka këtë të drejtë ekskluzive me i dhënë këto prona besoj që me këtë pajtohmi. Pajtohemi që sektori privat është shtylla e zhvillimit ekonomik të një vendi, zhvillimi ekonomik i një vendi determinon edhe ngritjen e standardit jetësor të njerëzve, gjithëqka përtej kësaj qfar kemi para vetës në listë unë nuk i jap vetës të drejtë mund të mos ketë interesa po është paragjykim, situatën që është krijuar llafet e rrugëve, llafet e kafeve mund të jenë të vërteta po në nuk jemi pjesë e saj, na e kemi për obligim që një listë që e bjen ekzekutivi nuk ish dasht me diskutu janë procedura tjera. Po kujdesemi që brenda kësaj liste mos me kriju hapsirë për konflikt interesi, pajtohemi unë kom qën në këtë pozitë prej kësaj pozite të kryesuesit mu ka kërkuar që unë me votu kundër është absurde ulemi e bisedojmë si kuvend është në dorën tonë a ka nevojë është fol për pronën prapa nesh ku është komuna e vjetër. Është dasht na me formu një komision, atë objekt ka vlera artistike, kulturore, historike, ka vlera që ju shërben qytetarëve tutje po jo prej nesh por jo prej nesh por prej ekspertëve të fushës me vlersu. Pajtohemi që në e kemi një sallë të kulturës që e shfrytëzojmë në atë pjesë, objekti tërësisht është i pa riparueshëm, ne duhet me e dhënë një ide, unë dha një ide, nëse vërtet qajo parcelë duhet me u dhënë në shfrytëzim sepse komuna nuk ka mundësi, nuk ka mjete me ndërtu një komunë atëherë të gjithë duhet me qën të vetdijshëm ta krijojmë këtyre qytetarëve një palestër me 1000 ulse, ky objekt që e kemi tani a mendoni që i plotëson kushtet për punë normale të administratës, jo në asnjë mënyrë e dini ju si anëtar të kuvendit. Unë si kryesues kom punu tri vite me sekretarin në 16 m² pesë punëtor katër drejtori janë 400 m² të gjitha këto të gjithë mundeni me paragjyku të gjithë e dinë se kemi nevojë për një objekt të komunës, sidoqë të jetë këto e shumë diskutime tjera që ndoshta edhe unë edhe

kolegët e mi të partis demokratike janë ndiku, kemi ardh në një përfundim se kryetarit iu jep të drejtën ligji ky e ka të drejt me pru listën e jona është me votu. Propozimi ka qen që këtu askush nuk ka interes përveç qytetarit të Drenasit është çek paraprakisht që një vitë ta hjekim parcelën e zona kadastrale në Gillogoc, ngastra kadastrale nr.1032/2, me sipërfaqe 5661 m², ngastra kadastrale 743-30, me sipërfaqe 8510 m², pjes e ngastrës kadastrale 768-1 me sipërfaqe 1970 m², po mos të ja pamundësojna investitorit tokën në Likoshan, Fushticë ose token dikuj tjetër. Unë kërkoj që të hiqën këto rti parcela prej liste e të vazhdojm tutje dhe ta votojm listën paraprake, ky është një hap i parë ne sot e kemi një gjithopinion, kuvendi don me i dhën pronat, kuvendi sot nuk i jep pronat, kuvendi sot miraton një list paraprake asnjë pron sot nuk e fiton askush, ne jemi ata që kishim mujt edhe hapin e fundit me ndal edhe mos me ia dhën po është kriju ky ambient edhe unë domethan duke i përfaqsu anëtarët e PDK-së të njëjtën koh edhe me vullnetin e kryetarit sepse nuk është qëllimi i kryetarit as i partis me pas interes këto tri parcela i hjekim edhe vazhdojm tutje

Grupi parlamentar i DD-së- Azemine Bujupi Gjoka- deshirojm të shprehim shqetësimin tonë të thell lidhur me disa nga pikat që sot ndodhen në këtë rend dite. Sot jemi përball me një prej vendimeve më kritike që po ndikon drejtpërdrejt me të ardhmen e qytetit tonë dhe brezave që do të vin, qështja e pronave publike, është përgjesi e jona që ta trajtojm këtë me kujdes maksimal jo vetëm për të qen në përputhje me ligjin dhe për të ruajtur integritetin tonë por edhe për të mbrojtur interesat e qytetarëve që na kan besuar këtë detyr, le të themi qart dhe me bindje se dhënja në shfrytëzim për 99 vite e pronave publike është një akt që kupton analiz të thell dhe strategji të qart. Ne nuk mundemi ta miratojm një vendim të till pa një planifikim të strukturuar ku qdo pronë publike të ketë një destinuim të qart ku interesat e qytetarëve janë prioritet apsolut. Ne propozojm klasifikimin e parcelave që janë të dedikuara për institucione publike në mënyr që ato të mbeten të pa prekura dhe të shërbejn për të mirën e përgjithshme të komunitetit, pronat me interes për invesitorët duhet të diskutohen veçmas duke i bauer vendimet në përfitime konkrete që sjellin vende të reja të punës që mund të krijohen, qfar logjike të transformojn prona publike që janë të destinuara për shërbimet e qytetarëve në duart e privatëve për të përfituar banesa dhe lokale afariste, si mund të justifikohet një vendim i till që mund të transformoj objektin komunal në një ndërtes banesore apo afariste, si mund të mendohet që një cërdhe e fëmijëve një institucion kyq për mirëqenjen e fëmijëve të zhduket për tu zëvendësuar me një objekt afarist apo që stacioni i autobusëve një element kyç për infrastrukturën dhe jetën e përditshme të qytetarëve të shëndrrohet në një pron private. Këto janë vendime që vetëm një mendësi e papërgjegjshme dhe që nuk ka interesin e qytetarëve në mendje që mund ti mbështes. Të dashur koleg këto prona janë jetike për qytetin dhe qytetarët tanë ato përfaqësojnë më shumë se sa thjeshtë parcela toke, ato janë themel i infrastrukturës sonë sociale dhe ekonomike këto prona duhet të ruhen për të ardhmen sepse jeta dhe nevoja e qytetit do të vazhdojn edhe më shumë pas nesh ne duhet të kërkojm zgjedhje më të mira më të qëndrueshme dhe më transparente duke pritur momente të duhura për investime publike në bashkëpunim me ministrin përkatëse e që këto prona të përdoren për të mirën e përbashkët dhe përfundimisht vendimet që marrim sot do ken një qëndrim të gjatë dhe të thell ne nuk guxojm të marrim vendime që mund të dëmtojn brezat e ardhshëm për përfitime të shkurtra të momentit, qëllimi ynë duhet të ndërtime i një të ardhme më të mirë për qytetarët tanë, një të ardhme që është ndërtuar mbi bazat e qëndrueshme të matur dhe të mirë kalkuluar

Grupi parlamentar i VV-së Egzona Terdevci- fillimishtë dua të shpreh zhgënjimin tim të thell dhe jo profesionalizmin me të cilin është trajtuar kjo pikë. Me dt.13.09.2024 kur u ftua kjo seanc na ishte dërguar një propozim vendim me vetëm emrat e parcerlav, pa skica, pa destinim të pronave që do të ipen, nga 59 prona sa na jan dërguar me dt. 13 shtator në propozimin e dërguar dje janë 54 prona, pra nga propozimi i javës së kaluar jan hequr 6 parcela dhe është shtuar një parcel e re. Nga parcelat e hequra dy prej tyre janë të Komoranit katër janë në Kishnarek dhe një parcel është shtuar në Çikatov e Vjetër në sqarimin e shkruar nga sekretaria thujet se bëhet fjal për një gabim teknik, por në kemi pranuar dy propozime vendime të ndryshme të shkruar në datën e njejt me nr. të njejt të protokollit, pra mbetet enigmatike heqja e parcelave në ditën e fundit, jemi dëshmitar se sa është manipuluar me pronën publike përgjat mandateve të Ramiz Lladrovci si Kryetar Komune, me premtime për shumë vende pune investime e për të hyra të mëdha komunale ishin dhën prona për shfrytëzim afatgjatë në mandatin e kaluar të kryetarit Lladrovci. Nëse shikojm të hyrat për viti 2021-2023 marr nga raportet financiare ato nuk tejkalojn vlerën e 216.000 € një shumë e pra një shumë tepër e pa përfillshme, në këtë kuvend përveç një raportimi të that e formal asnjëher nuk është raportuar siq duhet për pronat që janë dhën në shfrytëzim për 99 vite, a kan ndikuar vërtet ato prona në zhvillim ekonomik e në rritje të punsimit në Drenas apo kjo dhënje në shfrytëzim vetëm i ka shtuar fitimet e disave, është tejjet shqetsuse tendenca për të dhën 54 prona në shfrytëzim afatgjat për 99 vite gjatë vitit 2024, por kjo nuk është e pa qëllimshme, një shpërdorim i pasurisë publike po bëhet me qëllime shumë të qarta, shpagim i borgjeve të fushatës dhe përgaditje për zgjedhjet lokale të vitit 2025. Qeverisja e kësaj komune nuk e ka hallin as të zhvillimi ekonomik e as të rritja e vlerës së këtyre pronave madje as tek punësimi, halli i tyre i vetëm është rritja e krinteles për zgjedhjet e ardhshme por ndoshta në një dimension edhe duhet mirëkuptu kryetarin, nuk ka punu nuk ka cka prezanton para qytetarëve e në këtë form don me fitu klientel që me i fitu zgjedhjet e ardhshme. Është përmend shumëher në këtë kuvend por edhe jasht ti së ne po e pengojm zhvillimin e Drenasdit me mos votimin e këtyre pronave por as një her nuk janë prezantuar para nesh kërkesat e investitorve qofshin vendor ose të huaj për këto prona, po e përjashtoj këtë të sodit se kjo ishte për shou më shumë asnjëher nuk ka pas një analiz të matshme për vlerën e këtyre pronave e vlerën që do ta kishin përmes dhënjes në shfrytëzim, ne si vetvendosje e kemi kundërshtuar dhe do të vazhdojm ta kundërshtojm dhënjen në shfrytëzim të pronave të palujtshme të Drenasit për shfrytëzim afatgjat për 99 vite sa her që bëhet fjal për diqka që nuk është në interes publik. Ne nuk kemi qen e nuk jemi asnjëher kundër zhvillimit ekonomik të komunës por dhënja e këtyre 54 pronave me pas një analiz të mirëfillt për 99 vite nuk i kontribuon këti zhvillimi. Ne i dim obligimet ligjore për miratimin paraprak të pronave që duhet të ipen në shfrytëzim por pikërisht duke u thirrur për këtë ligj konsiderojm se nuk jan plotësuar këto kushte, pra neni 5 ligji 6.92 për dhënjen në shfrytëzim dhe këmbimin e pronës së palujtshme të komunës thot se kriteret për shfrytëzim të pronës së palujtshme janë po e përmend njërin prej kriterëve. Të ket arsyshmëri të interesit publik apo përfitimit ekonomik të komunës. Arsyetimi një faqësh që na është sjell neve si asambleist nuk është aspak bindës për ti dhën për 99 vite 54 prona të qytetit tonë dhe për ne mbetet i pa pranushëm insistimi për të dhën secilën pron për 99 vite, në këtë form qytetit tonë nuk do ti mbesin toka për të realizuar projekte publike në të ardhmen. Për ne vetvendosjen është shqetësuse secila pronë nga lista e 54 pronave që do të jepen në shfrytëzim për 99 vite gjithëher duke mos pasur një analiz mirëfillje që e paraqër përfitimin nga dhënja në shfrytëzim e këtyre pronave por në mesin e këtyre pronave ka prona që do të duhet të mbetëshin publike gjithnjë, e ka prona të cilat veq se shfrytëzohen edhe tash. Sot pam një vendim athok për tërheqjen e tri pronave i cili vërtet është i vlefshëm por z. Lladrovci duhet me spjegu para qytetarëve cila është

arsyeja që tash po tërhiqen, po filloj me tri pronat që kan pas me u dhën edhe le të na tregon ku interesi publik, nëse nuk ka pas interes publik mirë po tërhiqet po nëse insiston prap që ka interes publik le të na e shpjegon neve cka u kan interesi publik po filloj me parcelën 1032 -2 apo objektin e vjetër të komunës së Drenasit. Ky objekt me ngulm ishte provuar që të jepet në shfrytëzim në fund të vitit 2022 për të siguruar vota që të kalon këtë propozim kryetari kishte provuar cdo mënyrë jub shpesh na keni thënë se ju nderin e ktheni me nder edhe të keqen e ktheni me të keqe po ju lutem borgjet e fushatav dhe nderet personale ti ktheni me parat e juaja e jo me parë të qytetarëve të Drenasit. Si qytetare e këti vendi nuk mundem me kuptu se cili është interesi publik e ekonomik i komunës që ngasra ku ndodhet objekti i vjetër i komunës për ndërtim të lartë pra banesa dhe lokale afariste, ky objekt ku gjendet salla e vetme në qytetin ton është dhe duhet të mbetet objekt publik me gjitha insistimet që i kemi pas deri tash prap ka pas tendencë për me dhën po më vjen mirë që qoft von sot ka një reflektim për këtë parcel, një parcel tjetër e cila edhe kjo u propozu për me u heq është parcela 703-30, parcel kjo të cilën e kemi shfrytëzu në prill të vitit 2022, po kur e kemi pa insistimin që doni me dhën për ndërtim të lart e kemi kuptu edhe më mirë mos përkrahjen e ju ndaj qytetarëve që kishin prona në at parcel, kuptohet nuk është lehtë me ia prish qefin dostave për ndërtim të banesave. Nuk e harrojm se si keni provuar të manipuloni me votime për këtë shpronësim, kur votimi me vetëm 15 asambleist prezent në sall e kishi konsideruar të suksesshëm e kur pas vërejtjeve tona ishi detyruar ta përseritni votimin për ta realizuar me sukses këtë dëm të madh ndaj qytetarëve ju kishi sjerll një kolege nga pushimi i lehonis, në këtë list është edhe parcela e çerdhes publike të cilën e keni mohu në Janar kur ka ardh propozimi për prona që bëhet fjalë për atë parcel, sot u pranë në njëfar forme që është fjala për at poarcel nga kolegu Milaim Hajdari. Ju lutem përgjigjuni cili është interesi publik me maru banesa të larta në kurriz të pronës publike sidomos qerdjes që është qerdhja e vetme publike e Drenasit? Ju kemi bërë thirrje publikisht e personalisht asambles së komunës son që të mos votojn për këto prona pasi që kështu e dëmtojn interesin publik e po i lëm pa zgjidhje gjeneratat që vin për investime publike. Përkrah të këtyre parregullsive pavarësisht që u hjekën tri prona që ende nuk janë votua po u propozua që të hjekën në vetvendosje nuk jemi që të votojm për 51 prona, pra nëse merret parasysh propozimi i PDK-së që të ipen për 99 vjet. Ne nuk jemi kundër dhënjës në shfrytëzim sa herë që ka interes e leverdi komuna por jemi kundër që të ipen për 99 vite, pra tju lër barr gjeneratave të që vin pas neve

Kryetari i komunës Ramiz Lladrovci- listën që e keni pas dje është lista që është sot në votim janë hjek dy parcela që teknikisht sekretaria i ka fut në material e që janë në Komoran dhe u shtu një parcel e cila nuk u kan në list, nuk ka parcel tjetër dhe janë dërgu edhe skicat. Po thonë që unë kom shpërdoru detyrën ma shumë e kam për qytetarët e mi, nuk keni lënë metod pa përdor, mu ka ba kontrolli i gjithë pasuris time dhe i gjithë familjarve të mi për me mujt mem gjet diqka për krejt origjinën deri më sot, cka u kan dallimi veq 0.70 cent u dal më shume. Sepse unë tën jetën tem jom thirr edhe kom luftu për lirin e Kosovës dhe për zbatimin e ligjit dhe kërkoj me u zbatu ligji nga cdo njëri. Anëtar i kuvendit Milaim Hajdari e shpjegoi listën listën paraprake edhe si përcaktohen se cilat prona ka interes publiku me i dhën në shfrytëzim. Arsyeja pse kemi dasht me dhën parcelën te komuna e vjetër është sepse është e vjetër një vend ku ka mbeturin, e kafsh të ndryshme e kthyme në komun, kemi pas interes me 56 ari pronë me i marr komuna 5600 metër² objekt për interes të qytetarit duke përfshi zyra për komunën, zyra për njësi tjera të komunës sic është objekti i QPS-së, duke përfshi edhe sallë moderne të kulturës, sallë për biblioteka, sallë për takime të ndryshme, sallë për aktivitete të grupeve politike. Ky objekt as 40% nuk i plotëson kriteret e një objekti të komunës që duhet mi pas.

Egzona Terdevci- Unë asnjëher nuk jom marr as nuk mirrem me jetën tanë personale, mua si asambleiste e Kuvendit Komunal të Drenasit më intereson se qysh e krym punën si kryetar i komunës për cka je i thirrur, jeta jote private qysh ti e ndërtu pasurin janë pergjisi tuat nuk janë pergjisi të miat nuk e di pse po e ban një shpjegim të pa nevojshëm. Nuk dhe kurfar arsyshmerie pse ke dasht mi dhan këto tri prona tepër të rendësishme për shfrytëzim për 99 vite, mua po më vjen mirë që ke reflektu nuk e di kah ju ka ardh presioni normal prej neve gjithsesi si asambleist dhe prej qytetarëve besoj janë kan tepër të pa kënaqyr e të indinjun për pronat që ke dasht me i dhën po mbetet të ardhmen me pa kah u ardh ky presion që në moment të fundit me i terhjek tri prona.

Kryetari i komunës Ramiz Lladrovci- asnjëher nuk e ke pa që e kom qit shpallje të veqant në votim pronën te komuna e vjetër as pronën tek qerdhja publike e keni par vetëm list paraprake, në list paraprake kemi dhjetra prona mbi 600 hektar, por 99 prej tyre nuk i kemi dergu në mbledhje për me percaktu kriteret, komisionet dhe me i percaktu pronat e interesit se kush me konkuru.

Arbër Halilaj- nga partia Green- I nderuar Kryesues i Seancës, z. Krasniqi,
Të nderuara kolege dhe kolegë të Kuvendit,
I nderuar Kryetar Lladrovci, Nënkryetar Shala, drejtoresha e drejtor, media dhe mysafirë të pranishëm,
Të respektuar qytetarë të Drenasit,

Miratimi i Ligjit për dhënie në Shfrytëzim dhe Këmbim të Pronës Komunale në vitin 2019, është konsideruar atëbotë si një hap i duhur drejt fuqizimit të komunave, meqë ky ligj e kthente pronën komunale në një potencial zhvillimi ekonomik lokal, punësimi, në mundësi për investime në interesin e përgjithshëm të publikut.

Ky Ligj i ka zhbllokuar komunat nga pamundësia për të zhvilluar procedura për krijimin e infrastrukturës së domosdoshme e bazike në interes të përgjithshëm të komunitetit, siç janë: shkollat, çerdhet, spitalet, palestrat sportive, shtëpitë e kulturës dhe rinisë etj.

Potenciali investiv që e mundësojnë pronat publike nëpër komuna, ashtu edhe në komunën tonë, si dhe perspektivën e zhvillimit dhe interesit publik, varet pastaj nga programi qeverisës dhe orientimi zhvillimor i kryetarit të komunës bashkë me ekzekutivin lokal. Janë disa shembuj të pronës publike të kthyer në potencial për investime si zona zhvillimore apo industriale, siç quhen, pra kemi p.sh.: Parkun Inovativ Gjerman në Prizren, Parkun Zhvillimor Amerikan në Gjakovë, Parkun tonë Industrial në Korroticë të Eperme etj.

Sot kemi para vetës një Propozim-vendim për listën e pronave për vitin 2024, që janë planifikuar të jipen në shfrytëzim afatgjatë për 99 vite. Destinimi i planifikuar i tyre sipas Hartës Zonale Komunale është ndërtimi i lartë në Drenas, destinimi tregtar, komercial e ndërtimor në Komoran, dhe kryesisht bujqësor në zonat tjera rurale. Si është menduar apo planifikuar zhvillimi ekonomik i Drenasit, që trumbetohet aq shumë, përmes dhënies së këtyre pronave? Aq më tepër, cili është interesi i përgjithshëm i komunitetit tonë në këtë rast? S'ka asnjë sqarim të detajuar,

përveç një Arsyetimi të gjeneralizuar të propozim-vendimit ku thuhet se qëllimi është që përmes investimit në fusha të ndryshme të ekonomisë, të krijohen kushte për zhvillim të bizneseve, për investime vendore dhe të huaja, që ndikojnë në zhvillimin ekonomik. Sa për prona publike që gjenerojnë zhvillim ekonomik përmes aktiviteteve të bizneseve prodhuese, shërbyese, tregtare etj. e kemi shembullin e Parkut Industrial që e cekëm më lart, e të cilin do të mund ta zgjerohim dhe bizneset t'i kushtëzohim me punësimin e punëtorëve që janë banorë të Drenasit, siç veprohet zakonisht. Dua t'iu përkujtoj se për arsye që i kam cekur atëbotë, nuk e kam votuar HZK që ndërlihet me pronat që po i diskutojmë sot.

Një gjë është e vërtetë tek arsyetimi i Propozim-vendimit që e kemi para vetes: përmes këtyre pronave, pa kurrfarë analize, synimi apo vizioni të gjenerimit të zhvillimit ekonomik, është e saktë ajo që shkruan se do të zhvillohen bizneset (investitori) meqë do të rrisin volumin e të hyrave të tyre, sidomos ato që investojnë në ndërtime të larta në Drenas. Por, cila është arsyeshmëria ekonomike e investimit në një sferë të tillë në Drenas, në mbi 24000 m² ndërtim të lartë? Mos është shtimi i numrit të banorëve apo familjeve në Drenas, e që nuk po kanë ofertë të mjaftueshme për ta zgjidhur çështjen e banimit?

Për njoftim të opinionit, të theksoj se ligjet dhe rregulloret me anë të të cilave rregullohen procedurat dhe menaxhimi i pronave të dhëna në shfrytëzim janë:

1. Ligji nr. 03/L-040 për Vetëqeverisjen lokale;
 2. Ligji nr. 06/L-092 për dhënien në shfrytëzim dhe këmbimin e pronës së paluajtshme të komunës;
 3. Ligji Nr. 06/L-021 Për Kontrollin e Brendshëm të Financave Publike.
- dhe si akt nënligjor:
1. Rregullore (QRK) nr. 09/2020 për përcaktimin e procedurave të dhënies në shfrytëzim dhe këmbimin e pronës së paluajtshme të komunës.

Ligji Nr.06/L-092 qartë e përcakton se dhënia në shfrytëzim dhe këmbim afatgjatë e pronës komunale duhet të ketë për qëllim zhvillimin e qëndrueshëm lokal, duke përfshirë komponentën ekonomike, sociale, kulturore, të mbrojtjes së mjedisit, gjenerimit të punësimit dhe më e rëndësishmja interesin e përgjithshëm dhe benefitet e qytetarëve të Drenasit, që tek ky Propozim-Vendim as që janë analizuar dhe definuar veçmas për secilën pronë.

Pse gjithë ky kundërshtim opozitar për një proces që do të duhej të ishte pikë bashkëpunimi dhe debati konstruktiv rreth asaj se si të rritet vlera e pronës publike dhe shtimi i projekteve investive në komunë, në interes të komunitetit të gjërë? Kush është keqbërësi në këtë rast, fjalë kjo e bastarduar, meqë Kryetari e ka përgjegjësinë kryesore qoftë për veprime keqbërjeje, keqqeverisje, qeverisje të mirë, bashkëpunim pozitiv-opozitë, ose edhe përpjekjet për të shkatërruar opozitën, sepse është lideri i të gjithëve – i pari i komunës.

Ekzekutivi komunal ka dështuar tek llogaridhënia në raport me Kuvendin Komunal si autoritetin kryesor për menaxhimin e pronës komunale, sa i përket raportimit të rregullt sipas ligjit rreth kontratave ekzistuese të pronave komunale në shfrytëzim ose me qëra, përmbushjes së kriterëve investive dhe kushteve tjera në ato kontrata, aspektit financiar të tyre dmth. inkasimit të të hyrave komunale nga këto prona etj. Ne gjatë kësaj periudhe tri vjeçare nuk kemi pranuar në asamble raporte të rregullta dhe nuk është krijuar një sistem efikas i monitorimit të realizimit të

kontratave dhe përmbushjes së qëllimit të dhënies në shfrytëzim të pronave të paluajtshme deri tani.

A janë realizuar investimet e përcaktuara me kontratat aktive për pronat që janë dhënë në shfrytëzim? A ka kontrata, sa dhe cilat janë ato që janë ndërprerë apo nuk janë vazhduar për mosrespektim të kriterëve? A kemi raste kur shfrytëzuesit/qiramarrësit e pronës komunale kanë bartur të drejtën e shfrytëzimit tek palët e treta, pa miratim nga komuna? A janë prezentuar para Kuvendit në këtë legjislaturë të dhëna të sakta nga kartelat financiare të kontratave të qërasë, ku do të shihej arkëtimi ose jo i qërasë, vlera e borxhit të papaguar? Cilat janë kontratat e skaduara për pronën e paluajtshme të komunës, gjendja aktuale e pronave, kthimi i tyre tek komuna si dhe propozimet për destinimin e saj në të ardhmen?

Kjo do të duhej të ishte procedurë e brendshme për raportimin e rregullt të informacionit të nevojshëm për statusin e kontratave aktive/të skaduara nga Drejtoria e Zhvillimit Ekonomik me afate dhe përgjegjësi, sipas paragrafit 2, nenit 22 të Ligji nr. 06/L-092, që do t'i prezentohej Kuvendit Komunal çdo 6 muaj gjatë gjithë punës së kësaj legjislature.

Prandaj, duhet thënë qartë se pretendimet që opozita në Drenas e ka synim pengimin e zhvillimit ekonomik të Drenasit janë supozime miope dhe për konsum elektoral, që opinionin e kupton dhe nuk i merr serioze, sepse jemi komunë e vogël dhe njihemi mirë. Përkundrazi:

- raportet e bizneseve të caktuara me politikën dhe ekspozimi i tyre sidomos nëpër fushata elektorale,
- fakti që zbatimi i procedurave ligjore dhe rregulloreve në fuqi nuk do të thotë që eliminohet apriori mundësia e konfliktit të interesit dhe e aferave korruptive....!
- mënyra e ashpër dhe vullneti në luftimin e opozitës si siguresë e demokracisë lokale,
- fluturimi nga subjekti në subjekt i asamblistëve jashtë arsyeve programore ose mospajtimeve partiake, duke e anashkaluar pozicionin që ua ka përcaktuar votuesi;
- lëshimet e lartcekura në sistemin e kontrollit dhe raportimit të kontratave të pronave publike etj.

Dëshmojnë për një jonormalitet të theksuar që e ka përcjellë punën e kësaj legjislature dhe raportet e krijuara brenda saj, nga e cila tani kërkohet një vendim lidhur me listën e pronave publike. Duke pasë parasysh këto elemente që i cekam më sipër, si dhe insistimin e mjaft qytetarëve, intelektualëve dhe ekspertëve të shquar të Drenasit me të cilët bashkëbisedoj e komunikoj që pronat të mos jepen kësisoji në shfrytëzim, unë jam edhe më i bindur që të votoj kundër këtij Propozim-vendimi.

Në aspektin njerëzor dhe si kolegë, e respektoj secilin nga ju të pranishëm në sallë, dhe natyrisht askujt nuk i bëj thirrje që bindjet tuaja për tematikën e diskutuar të përputhen me të miat. Secili e ka mënyrën e vet të argumentimit, arsyetimin dhe qëndrimin politik. Këtë deklaram e pata obligim moral më shumë për qytetarët që mund të na dëgjojnë, përditshmërinë dhe jetën e të cilëve e prekin vendimet tona, e të cilët na kanë dhënë përgjegjësinë t'i përfaqësojmë këtu. Vetëm ata dhe askush tjetër na vlerësojnë se si dhe çfarë kemi vepruar brenda kësaj legjislature. Unë ndihem i lirë të shpreh mendimin tim dhe të votoj ashtu siç mendoj se duhet në këtë rast, pa pasur asnjë obligim ndaj askujt. Për këtë arsye, e njoftoj Kryesuesen që për efikasitet sa i përket kohës, nuk do të kërkoj të drejtën e replikës edhe po mu përmend emri, edhe po s'i pëlqeu dikujt deklarami im, meqë unë e thashë atë që pata.

FALEMINDERIT për vëmendjen !

Beqir Kiqina nga AAK- sa i përket qëndrimit të AAK-së është bërë publik edhe më herët gjatë katërvjeçarit të kaluar kam qenë opozitë e këtij kuvendi komunal e vazhdoj të jem, e kam kundërshtuar dhe vazhdoj ta kundërshtoj Kryetarin Lladrovci me ato të gjitha pikat ku mendoj që nuk i ka shtjelluar mirë për interesin publik të Drenasit. Edhe mandatin e kaluar e kemi kundërshtuar për arsye se Drenasi nuk ka njoftuar zhvillim ekonomik dhe nuk iu janë lejuar afaristeve, biznesmenëve për me investuar në Komunën e Drenasit dhe Aleanca së bashku me disa Partitë opozitare kujtojmë vitin 2017 kur e kemi kundërshtuar pse po na ikin investitorët prej Drenasit po shkojnë në komuna tjera. Ne si parti e AAK-së kemi mbajtur takime edhe me nivelin qendror edhe lokal dhe jemi të kordinuar që mos me përkrah kryetarin Lladrovci për zhvillimin e Komunës së Drenasit në ato pika ku ne mendojmë që është interes për komunën tonë.

Mehedin Salihu- pika e dhënjes së pronave është një pikë e cila e ka fërku më së shumti pozitën dhe opozitën. Reflektimi i pozitës më pëlqeu shumë po më duket pak i vonuar, dy minuta para hapjes së mbledhjes nuk bëhen këto ndryshime. Po më shqetëson fakti pse me kaq ngulëm të jepën 56 parcela kur kemi mundësi pjesë pjesë me i shqyrtuar më mirë edhe me i jep më ngadalë edhe ne i analizojmë më shumë edhe mbledhjet janë të vazhdueshme kemi mundësi, unë propozoj të gjithë të reflektojmë së pari opozita të reflekton që mbledhjen e ardhshme ta sjell këtë pikë prap me ndryshime të shkrime jo vetëm të deklaronë.

Kryetari i komunës Ramiz Lladrovci- u kërkua nga lista paraprase që të tërhiqen prona me nr.18 parcela 743/30 R8510 në Glllogoc, parcela tek komuna e vjetër nr.19 1032-2 5661 në Drenas banim i lartë dhe parcela 21 tek qerdhja parcela 768 -1 që është 1970 Glllogoc pra këto tri parcela i ka kërkuar grupi parlamentar i PDK-së dhe unë i tërhejti dhe kërkoj që lista me parcela tjera të votohet unanimisht. Pse të votohen këto parcela për qytetarët e Drenasit, parcela prej rrethit rrugës regjionale tek varrezat Drenasit që e kufizon rrugën regjionale me hekurudhën dhe me lumin vermicë ka qenë një gropë septike e të gjitha ujrat të zeza të Drenasit sot është një objekt një pasqyrë, një pamje e jashtzakonshme dhe një punim i jashtzakonshëm i një numri të madh. Poashtu prona në Arllat një pronë që dikur ka qenë një kosh me misër e cila sot është një qendër biznesi, një qendër ku komuna fiton.

Hamit Haxhiu- sikur edhe më herët jam kundër këtyre pikave që të votohen domethënë për këto tri pika që ka deklaruar grupi parlamentar i PDK-së, në qoftë se editohet lista me këto tri prona që të largohen prej rastit unë jam pro listës që të kalojë.

Kryesuesi i mbledhjes Gani Krasniqi hodhi në votim propozimin për heqjen e tri parcelave tek pika e tretë, prezent gjatë votimit ishin 30 anëtarë dhe votuan me: 28 vota (Për), kundër nuk pati 1 abstenim dhe një nuk ka votuar fare.

Pasi që nuk pati diskutime tjera Kryesuesi i mbledhjes Gani Krasniqi hodhi në votim pikën e tretë të rendit të ditës 3. Propozim vendim për miratimin paraprak të Vendimit për dhënien e pronave të paluajtshme të Komunës së Glllogocit për shfrytëzim afatgjatë

personave fizik/juridik (për 99 vjet), prezent gjatë votimit ishin 30 anëtar dhe votuan me: 17. vota (Për), 12 kundër dhe 1 abstenim.

Kryesuesi i mbledhjes, Gani Krasniqi- hapi diskutimin për pikën e katër të rendit të ditës: **4. Draft strategjia për Zhvillimin dhe fuqizimin e Rinisë në Komunën e Drenasit 2024-2029.**

Pasi që nuk pati diskutime vërejtje apo sugjerime Kryesuesi i mbledhjes Gani Krasniqi hodhi në votim pikën e katër të rendit të ditës, prezent gjatë votimit ishin 18 anëtar dhe votuan me: 14 vota (Për), kundër nuk ka dhe 2 abstenim.

Kryesuesi i mbledhjes, Gani Krasniqi- hapi diskutimin për pikën e pestë të rendit të ditës: **5. Raporti i punës Janar-Qershor 2024 i Kryetarit dhe qeverisjes lokale.**

Pasi nuk pati diskutime Raporti kaloi në Kuvend

Kryesuesi i mbledhjes, Gani Krasniqi- hapi diskutimin për pikën e gjashtë të rendit të ditës: **6. Raporti financiar Janar-Qershor 2024.**

Pasi nuk pati diskutime Raporti kaloi në Kuvend

Kryesuesi i mbledhjes, Gani Krasniqi- hapi diskutimin për pikën e shtatë të rendit të ditës: **7. Diskutim i Raportit të Zyrës Kombëtare të Auditimit (ZKA) për vitin 2023.**

Pasi nuk pati diskutime Raporti kaloi në Kuvend

Kryesuesi i mbledhjes, Gani Krasniqi- hapi diskutimin për pikën e tetë të rendit të ditës: **8. Diskutim i Planit të Veprimit për Implementimin e Rekomandimeve të ZKA-së**

Pasi nuk pati diskutime Raporti kaloi në Kuvend

Kryesuesi i mbledhjes, Gani Krasniqi- hapi diskutimin për pikën e nëntë të rendit të ditës: **9. Raporti i punës së KKSB-së Janar-Qershor.**

Pasi nuk pati diskutime Raporti kaloi në Kuvend

Kryesuesi i mbledhjes, Gani Krasniqi- hapi diskutimin për pikën e dhjetë të rendit të ditës: **10. Propozim vendim i Buxhetit të komunës për vitet 2025 dhe parashikimi i buxhetit për vitin 2026-2027.**

Kryetari i komunës Ramiz Lladrovci - anëtarët nga VV dhe nga DD kanë kërkuar këtë pikë me dërgu javën tjetër në kuvend mirpo unë theksova se është pikë brenda mbledhjes së jashtzakonshme dhe i bëra lutje se cka po dojnë me ndryshu në buxhet jam i gatshëm me ju ftu si grup parlamentar me ba ndryshime nëse na lejohen në pikë edhe në kod, dhe ju lutem propozoni

qka po doni me ndryshu që na ta ndryshojm sepse të gjitha këto projekte janë për të mirën e qytetarëve të Drenasit e jo vetëm për të mirën e një grupi politik

Egzona Tërdevci- Kryetari e përmendi që ishte kërkesa e jona me shty pikën për diskutimin për buxhet pasi është pika më e rëndësishme e vitit pora miratimi i buxhetit 2025 është një pikë e cila kërkon trajtim të veçantë dhe nuk meriton të futet në kesi soj me një seancë të jashtëzakonshme, në situatën kur nuk ka mirëkuptim për me shty këtë pikë me tërheqje me e sjell në diskutim herën tjetër sepse është edhe pak e pa logjikshme që buxheti me kalu pa qenë në diskutim tek Komiteti për Politikë dhe Financa. A ka mirëkuptim për me e shty?

Kryetari i komunës Ramiz Lladrovci - Me kenë me pas mirëkuptim ju kisha kërku asambleistave të cilët po rrinë këtu për me marr vendime për buxhetin për vitin 2025 dhe projektionet për vitin 2026-2027. Shkaku që nuk ka qenë në KPF nuk është faji i asnjërit nga këta asambleist që e kanë propozuar për me qitë në rend të ditës sepse është faji i 16 asambleistëve që e shkarkuan kryesuesin e kuvendit dhe e kanë paralizuar kuvendin, nuk ka mirëkuptim dhe unë mendoj që grupi parlamentar i PDK-së vazhdon me votimin e pikës së rendit të ditës pavarësisht qysh ju kërkon.

Azemine Bujupi Gjoka- në emër të DD-së konsiderojm se pika e dhjetë për buxhetin e vitit 2025 dhe parashikimi i buxhetit të vitit 2026-2027 të shqyrtohet në një seancë tjetër të rregullt sepse është pikë shumë e rëndësishme e vitit dhe kështu që e don kohë dhe analizë, kisha pas dëshirë me diskutu në KPF pasi që nesër mbahet

Egzona Tërdevci- ne si Vetvendosje kësaj radhe nuk kemi dërguar propozime me shkrim po i ripërsëritim kërkesat tona nga viti i kaluar si mbështetje për lehonat me 100 euro e falënderoj Kuvendin Komunal që e ka mbështet me votë vitin e kaluar si dhe mbështetje për fëmijët për financimin të Çerdheve familjet me të ardhura të ulta të mbështeten për financim të të çerdhës pra ky projekt është miratuar në vitin e kaluar po asnjëherë nuk është zbatuar dhe asnjëherë nuk ka pas një vendim, përderisa nuk ka thirrje nuk mundën me aplikuar askush. Ne e ripërsëritim kërkesën e vitit të kaluar që të ofrohet mbështetje për fëmijët e familjeve të cilët kanë të ardhura të ulta. Vazhdon me qenë problem grumbullimi i projekteve kapitale është e pa qartë për cilat projekte bëhet fjalë kur janë të grumbulluara në formën në cilën na u kanë paraqitur, ka ulje të shpenzimeve të investimit kapitale në infrastrukturë rrugore nga viti 2023, ka ulje të shpenzimeve të investimit kapitale për shëndetësi poashtu e shohim disa projekte kanë ulje të draftit që e kemi pranuar në Qershor, shumë projekte të arsimit gjithënjë gjasht prej tyre janë me zero vlerë. Cila është arsyeja pse janë me zero vlerë? a është qëllimi vetëm me i shtu në pip me mundësinë me u financuar ma von a pse kanë mbetur gjatë projekte të Drejtoria e Arsimit me zero investim. Ka ulje të shumica e projekteve të infrastrukturës publike nga drafti që e kemi pranuar në Qershor pse ka ndodhur kjo sepse kur i lexon diskutimet publike me pak pjesëmarrës, ka shumë kërkesa nuk po e kuptoj në vend me u ngrit shumat nga drafti i qershorit të shumica e projekteve ka ulje poashtu po më vjen mirë që më në fund kemi reflektuar për rrugën dhe trotuarin në Arllat, Negroc dhe Vuqak pasi që vazhdimisht kemi marr anketa nga qytetarët e vlerësoj që janë rreth 200000 euro për këtë projekt si dhe po përfolet që Drenasi nuk po mbështetet nga niveli qendror po nëse hyni dhe i shikoni ligjet e buxheteve ndër vite e vërejnë që asnjëherë nuk ka pasur më shumë financim nga granti qendror. Financimi nga niveli qendror për Drenasin në vitin 2019 ka qenë 13,701814 e prandaj është e pa drejtë kur thuhet se nuk po financohet Drenasi kur e dimë që edhe projektet për

të cilat ne po ndajm parcela nuk po dorzohen deri në fund siq duhet me dokumentacion, është rasti i dy Çerdheve, rasti i banimit social sic është për ta ndihmu në këtë propagandën e juj për sabotim të Drenasit nga niveli qendror

Kryetari i komunës Ramiz Lladrovci- kur folim për grant qeveritar, grandit qeveritar e ka një formul. Për dinin tande asnjë cent qeveria këto vite nuk ia ka nda Drenasit, granti është i detyruar niveli qendror me nda për numër të banorve dhe për territor të komunës. Pronat i kemi nda me kohë edhe këto nuk ishten e kemi pas plan zhvillimor edhe e kan qit thysa sepse kur dojn i qesin edhe ne i kemi kry dhe i kemi dergu, pra këto nuk shiuten se jan demode kemi vullnet sepse nuk jemi të krisun mos me ia dhën mundësin nivelit qendror me ndërta çerdhe për fëmijët e komunës son.I ftoj të gjithë anëtarët e kuvendit ta votojn buxhetin që ti përfundojm procedurat në futjen në pip sepse ka shumë probleme edhe për ata e kemi shtu edhe një pik ku e kan pllato të shkollave ku e kan qu gabimisht në pip ne duhet me ndryshu

Egzona Tërdevci- z. Lladrovci e di formulën që ndahet, po nëse nuk kish përformu mirë qeveria me siguru më shumë të ardhura pavarësisht numrit të banorve prap e kishe marr shumën përafërsisht njëjt sa e ke marr në vitin 2019. Nuk më dhe përgjigje për gjasht projektet e Drejtoris së arsimit të investimeve kapitale që kan mbet me vler zero e as nuk mora përgjigje për uljen e projekteve që është bër edhe a mundem me marr konfirmim prej juve, prej asaj cka that se dokumentacionet për dy çerdhet që kemi nda parcelat janë kryer se në komunikimin e fundit me shkrim që e kom pas me z.Gjoka ka qen idea se ende nuk i kem përfundu dokumentacionet përkatse

Kryetari i komunës Ramiz Lladrovci- sa i përket buxhetit i kemi përputh me centa sepse ashtu na duhet me përputh me projekt qarkoren që na dërgojn qeveria

Muhamet Gjoka- sa i përket ndërtimit të dy çerdheve ne veq e kemi pas një komunikim ju jeni në dieni se ndarja e liokacionit vec është bër, është miratu nga ky kuvend dhe ne kemi kemi kalu në hapin tjetër, në faza tjera për hartimin e laboratit të cilin e kemi shpall dy her dhe nuk ka pas opertus dhe u dassht që të vazhdojm me procedura dotëthot para se të kërkojm prej ministris ti paisim me leje na duhët që të hartohet elaborati për këto dy lokacione i cili tash vec është në fazën e nënshkrimit të kontratës që kërkohet si parakusht për vazhdimin e procedurave. Vlersimi është bër është në procedurën e prokurimit brenda jave besoj që vazhdohet tutje

Pasi që nuk pati diskutime tjera Kryesuesi i mbledhjes Gani Krasniqi hodhi në votim pikën e dhjetë të rendit të ditës, prezent gjatë votimit ishin 25 anëtar dhe votuan me: 20 vota (Për), kundër nuk ka dhe 1 abstenim.

Kryesuesi i mbledhjes, Gani Krasniqi- hapi diskutimin për pikën e njëmbëdhjet të rendit të ditës: 11. Raporti i performancës komunale për vitin 2023 për komunën e Glllogocit.

Pasi nuk pati diskutime Raporti kaloj në Kuvend

Kryesuesi i mbledhjes, Gani Krasniqi- hapi diskutimin për pikën e dymbëdhjetë të rendit të ditës: 12. **Propozim vendim për transfer/harmonizim në kategorinë e pagave.**

Pasi që nuk pati diskutime vërejtje apo sugjerime Kryesuesi i mbledhjes Gani Krasniqi hodhi në votim pikën e dymbëdhjetë të rendit të ditës, prezent gjatë votimit ishin 23 anëtar dhe votuan me: 19 vota (**Për**), kundër nuk ka, abstenim nuk ka

Kryesuesi i mbledhjes, Gani Krasniqi- hapi diskutimin për pikën e trembëdhjetë të rendit të ditës: 13. **Propozim vendim për ndryshimin e emrit të projekteve.**

Kryetari i komunës Ramiz Lladrovci- ky është ajo që tham se dy projekte pllatova rrethojave të shkollave kan qenë në emër të dy shkollave tjera gabimisht kan hy në pip dhe ne nuk mundëmi me i zhvillu procedurat pa e ndrru. Ju ftoj me votu këtë pikë

Pasi që nuk pati diskutime tjera Kryesuesi i mbledhjes Gani Krasniqi hodhi në votim pikën e trembëdhjetë të rendit të ditës, prezent gjatë votimit ishin 23 anëtar dhe votuan me: 18 vota (**Për**), kundër nuk ka, abstenim nuk ka.

Meqë nuk pati diskutime tjera kryesuesi e konsideroj të mbyllur seancën, seanca përfundoj rreth orës 14:00 min.

Me gjerësisht, mbledhjen e jashtëzakonshme të Kuvendit të Komunës së Drenasit të datës 19.09.2024 mund të ndiqni në ueb fagen zyrtare të komunës, rrjetin social të Fecebook-ut dhe në kanalin YouTube.

Procesmbajtëse:


Indira Olluri Thaçi



Kryesuesi i mbledhjes


Gani Krasniqi